

huius Episcopus subscripsit quintæ Synodo generali, in cuius quinta Collatione idem *Theodorus* dicitur Drysifarorum Metropoleos (scilicet honorariæ) Episcopus.

LYSIMACHIA Ptol. ibid. vulgò *Hexamili* teste Sophiano. *Deodatus* Lysimachorum Episcopus subscripsit Concilio Chalcedonensi act. 1.

BYZIA Ptol. ibid. vulgò *Vize* teste Leunclauio. *Lucianus* eius Episcopus subscripsit Concilio Chalcedonensi act. 16. in qua Episcopus Byziæ & Arcadiopolis dicitur. Epistolam etiam scripsit ad Leonem Imp. quæ extat parte 3. eiusdem Concilij, qua Metropolitanus dicitur, sicut & *Theodorus* Byzanorum Metropolis in fine collationis octauæ quintæ Synodi generalis.

SELYMBRIA Ptolem. ibid. vulgò *Selombria* Molano, Sophiano autem *Seliurea*. *Auxentius* Selymbriæ Metropolis (nempe honorariæ) subscripsit Concilio Constantinopolitano sub Agapeto & Menna.

ARCADIOPOLIS, quæ teste Cedreno Bergula vel Bergulium dicta fuit, vulgò *Bergas*, teste Mercatore. Huius Episcopus *Sabbatius* subscripsit Concilio Constantinopolitano V. generali, fuit tamen aliquando vnita sedi Byzientiensi, vt superius dictum est.

PROVINCIA THRACIÆ.

PHILIPPOPOLIS Ptol. li. 3. c. 11. adhuc *Filippoli* dicitur vulgò, & Turcis *Filibe*, Thraciæ vrbs nobilis est, in quam Arianæ res suas Patribus Sardicensis Concilij credere non ausi fugere, nouaque fidei formula edita damnarunt Homousion. *Silvani* huius Episcopi meminit Socrates lib. 7. Hist. Eccles. c. 36. *Francion* Philippopolis Metropolis Thraciæ dicitur, in subscriptionibus Concilij Chalcedonensis, & *Valentinus* eiusdem Metropolis Episcopus ad Leonem Imper. epistolam scripsit.

DIOCLETIANOPOLIS Notitiæ Græcæ antiquæ. *Epictetus* Episcopus Diocletianopoleos legitur in Epistola Synod. Episc. Thraciæ ad Leonem Imperatorem.

DIOSPOLIS eidem Notitiæ, & Cedreno in Thracia, qui *Alexandrum* huius Episcopum nominat.

NICOPOLIS Ptolem. lib. 3. cap. 11. vulgò etiam *Nicopoli* Sophiano, alijs *Boulgrad*. *Polycarpus* Nicopolis Thraciæ Episcopus dicitur apud Socratem lib. 7. Hist. Eccles. cap. 35.

PROVINCIA HÆMIMONTIS.

HADRIANOPOLIS Anton. in Itin. vulgò *Adernopoli*, & *Endren* Turcis. *Eutropij* & *Lucij* eius Episcoporum meminit Theodoretus lib. 2. historiæ Eccles. cap. 13. quorum Lucius ab Arianis accusatus sede sua expulsus est, Sozomeno teste lib. 3. cap. 7. pro quo restituendo Iulius Romanus Pontifex ad Orientales Episcopos scripsit. Et *Ioannes* Metropolis Adrianopolitanorum subscripsit Conc. Constantinopolitano generali quinto.

MESEMBRIA Ptol. lib. 3. cap. 10. vulgò *Mesember* Sophiano. *Mamianus* Episcopus Mesembriæ in Hæmimonte legitur in actibus Concilij Constantinopolitani quinti Generalis.

SOZOPOLIS